



অতিরিক্ত সংখ্যা
কর্তৃপক্ষ কর্তৃক প্রকাশিত

শনিবার, ডিসেম্বর ১৯, ১৯৮৭

[বাংলাদেশ গেজেট, অসাধারণ, তারিখ ১লা সেপ্টেম্বর, ১৯৮০ ইংরেজী ভাষায় প্রকাশিত]

গণপ্রজাতন্ত্রী বাংলাদেশ সরকার

মন্ত্রিপরিষদ সচিবালয়

সংস্থাপন বিভাগ

বাস্তবায়ন কোষ

প্রজ্ঞাপন

ঢাকা, ১লা সেপ্টেম্বর, ১৯৮০

নং এস. আর. ও ৩০৪-এল/৮০/ইউ/আইসি/এস২-১৬/৮০-১২০—গণপ্রজাতন্ত্রী বাংলাদেশের সংবিধানের ১৩৩ অনুচ্ছেদের শর্তাংশে প্রদত্ত ক্ষমতাবলে, রাষ্ট্রপতি, উক্ত সংবিধানের ১৪০ অনুচ্ছেদের (২) দফার নিম্নান মোতাবেক বাংলাদেশ সরকারী কর্মকমিশনের সহিত পরামর্শক্রমে, নিম্নরূপ বিধিমালা প্রণয়ন করিলেনঃ—

১। সংক্ষিপ্ত শিরনামা।—এই বিধিমালা বাংলাদেশ সিভিল সার্ভিস (অর্থঃ নিরীক্ষণ ও হিসাব) গঠন ও ক্যাডার বিধিমালা, ১৯৮০ নামে অভিহিত হইবে।

২। সংজ্ঞা।—বিষয় বা প্রসংগের পরিপন্থী কিছুর না থাকিলে, এই বিধিমালায়,—

- (ক) “ক্যাডার পদ” অর্থ তফসিলে অন্তর্ভুক্ত পদ;
- (খ) “কমিশন” অর্থ বাংলাদেশ সরকারী কর্মকমিশন;
- (গ) “শিক্ষানবিস” অর্থ ক্যাডার পদে শিক্ষানবিস হিসাবে নিযুক্ত ব্যক্তি;
- (ঘ) “তফসিল” অর্থ এই বিধিমালার সহিত সংযোজিত তফসিল; এবং
- (ঙ) “সার্ভিস” অর্থ বাংলাদেশ সিভিল সার্ভিস (অর্থঃ নিরীক্ষণ ও হিসাব)।

(৬০১৩)

মুদ্রাঃ ৩০ পয়সা

৩। সার্ভিস গঠন।—(১) বাংলাদেশ সিভিল সার্ভিস (অর্থঃ নিরীক্ষণ ও হিসাব) নামে একটি সার্ভিস গঠিত হইবে।

(২) এই সার্ভিস নিম্নবর্ণিত ব্যক্তিগণের সমন্বয়ে গঠিত হইবে; যথা—

(ক) সেই সকল ব্যক্তি যাহারা, ১৯৭১ সালের ২৫শে মার্চ তারিখে কিংবা তৎপূর্বে সাবেক পাকিস্তান নিরীক্ষণ ও হিসাব সার্ভিস, পাকিস্তান মিলিটারী একাউন্টস সার্ভিসের ও পাকিস্তান রেলওয়ে একাউন্টস সার্ভিসের সদস্য ছিলেন;

১।“(খ) সেই সকল ব্যক্তি যাহারা, স্বাধীনতার পর বিলুপ্ত বলিয়া গণ্য না হইলে সার্ভিস ক্যাডারের অন্তর্ভুক্ত হইত এইরূপ পদে তদানীন্তন কেন্দ্রীয় সরকারী কর্মকমিশন অথবা পূর্ব পাকিস্তান সরকারী কর্মকমিশন বা বাংলাদেশ সরকারী (প্রথম) কর্মকমিশন বা বাংলাদেশ সরকারী (দ্বিতীয়) কর্মকমিশন অথবা কমিশন-এর কিংবা, ক্ষেত্রমত, ১৯৭১ সালের ১৬ই ডিসেম্বর হইতে ১৯৭২ সালের ৭ই এপ্রিল, তারিখের মধ্যে অথবা যে মেয়াদের মধ্যে উক্ত পদসমূহ উপরিউক্ত যে কোন কমিশনের আওতা বহির্ভূত করা হইয়াছিল সেই মেয়াদের মধ্যে উপর্যুক্ত কর্তৃপক্ষের সুপারিশক্রমে, ১৯৭১ সালের ২৬শে মার্চ তারিখে কিংবা তৎপরবর্তী-কালে নিয়মিত ভিত্তিতে নিযুক্ত হইয়াছিলেন এবং যাহাদের চাকুরী শর্তাবলী যে কোন সাবেক ক্যাডার সার্ভিসের বিধিমালা দ্বারা নিয়ন্ত্রিত হয়, এবং”]

(গ) সেই সকল ব্যক্তি যাহারা এই বিধিমালা অনুযায়ী সার্ভিসে নিযুক্ত হইবেন।

৪। ক্যাডারে অন্তর্ভুক্ত পদসমূহ।—(১) তফসিলে উল্লিখিত পদসমূহ সার্ভিসের ক্যাডারে অন্তর্ভুক্ত হইবে।

(২) তফসিলে উল্লিখিত সংখ্যক পদ হইবে সার্ভিসের ক্যাডারের প্রারম্ভিক পদের সংখ্যা এবং সরকার অর্থ মন্ত্রণালয় ও সংস্থাপন মন্ত্রণালয়ের সম্মতিক্রমে এই ক্যাডারের পদের সংখ্যা পরিবর্তন করিতে পারিবে।

৫। নিয়োগকারী কর্তৃপক্ষ।—রাষ্ট্রপতি অথবা তৎকর্তৃক ক্ষমতা প্রদত্ত কোন অফিসার কর্তৃক সার্ভিসে নিয়োগদান করা হইবে।

৬। নিয়োগ পদ্ধতি।—(১) এই সার্ভিস প্রারম্ভিকভাবে বিধি ৩(২) এর (ক) এবং (খ) এর আওতাধীন ব্যক্তিগণের সমন্বয়ে গঠিত হইবে এবং তারপর কমিশনের সুপারিশক্রমে—

(ক) সরাসরি নিয়োগের মাধ্যমে, এবং

(খ) নিয়োগ বিধিতে কোন বিধান থাকিলে তদনুযায়ী ‘ফিডার’ পদ হইতে পদোন্নতির মাধ্যমে সার্ভিসে নিযুক্ত ব্যক্তিগণ ইহার অন্তর্ভুক্ত হইবেন।

(২) সার্ভিসের কোন সদস্য নূতন জাতীয় বেতন স্কেলের টাকা ১৪০০ হইতে টাকা ২২২৫ এবং টাকা ২১০০ হইতে ২৬০০ টাকার বেতন স্কেলযুক্ত কোন পদে পদোন্নতি পাইবেন না যদি তিনি নিয়োগ বিধিতে নির্ধারিত পদ্ধতিতে পরিচালিত পরীক্ষায় বা টেষ্টে উত্তীর্ণ না হইয়া থাকেন।

১। ১৯৮২ সালের ২রা জানুয়ারী তারিখের প্রজ্ঞাপন নং এস, আর, ও ১৭-এল/৮২/ইডি (আইসি)এস২-১৬/৮০-১০ দ্বারা প্রতিস্থাপিত।

(৩) সার্ভিসের কোন সদস্যকে নতুন জাতীয় বেতন স্কেলের ১৪০০ হইতে ২২২৫ টাকার বেতন দেওয়া যাইবে না যদি তাহার প্রারম্ভিক পর্যায়ের চাকুরীকাল সাত বৎসর পূর্ণ না হইয়া থাকে, এবং সার্ভিসের ক্যাডারে মঞ্জুরীকৃত পদ বিদ্যমান না থাকে।

(৪) সার্ভিসের যে সকল সদস্য ২৩৫০—২৭৫০ টাকার নতুন জাতীয় বেতন স্কেলে পদোন্নতি পাইয়াছেন তাহাদিগকে সফলতার সহিত প্রশাসনিক ষ্টাফ কলেজে নিয়মিত কোর্স সম্পন্ন করিতে হইবে।

৭। যোগ্যতা।—সার্ভিসে নিয়োগের জন্য ন্যূনতম যোগ্যতা ও অন্যান্য শর্ত নিয়োগ বিধিতে নির্ধারিত যোগ্যতাও শর্তের অনুরূপ হইবে।

৮। শিক্ষানবিস ও স্থায়ীকরণ।—(১) সার্ভিসে স্থায়ী শূন্য পদে প্রারম্ভিকভাবে নিযুক্ত ব্যক্তির শিক্ষানবিসের মেয়াদ হইবে—

(ক) দুই বৎসর, যদি তিনি কমিশনের সুপারিশক্রমে সার্ভিসে সরাসরি নিযুক্ত হইয়া থাকেন; এবং

(খ) এক বৎসর, যদি তিনি পদোন্নতির মাধ্যমে নিযুক্ত হইয়া থাকেন।

সরকার শিক্ষানবিসের মেয়াদ অনধিক আরও দুই বৎসর পর্যন্ত বর্ধিত করিতে পারিবেন।

ব্যাখ্যা।—শিক্ষানবিসের মেয়াদ সমাপ্তির পরবর্তী দিবসের মধ্যে যদি কোন আদেশ প্রদান করা না হয়, তাহা হইলে শিক্ষানবিসের মেয়াদ বর্ধিত হইয়াছে বলিয়া গণ্য হইবে।

(২) শিক্ষানবিস হিসাবে চাকুরীতে নিযুক্ত ব্যক্তিকে শিক্ষানবিসের মেয়াদে সরকার কর্তৃক নির্ধারিত শর্তানুসারে নির্ধারিত প্রশিক্ষণ গ্রহণ করিতে হইবে।

(৩) শিক্ষানবিসের মেয়াদে কোন শিক্ষানবিস সার্ভিসে থাকার অন্তিমপূর্ব বলিয়া প্রতীয়মান হইলে কমিশনের সহিত পরামর্শ ব্যতীতই তাহার নিয়োগের অবসান করা যাইবে।

(৪) কোন ব্যক্তিকে সার্ভিসে স্থায়ী করা হইবে না যদি তিনি তাহার শিক্ষানবিসের নির্ধারিত মেয়াদ শেষ হওয়া পর্যন্ত চাকুরী না করিয়া থাকেন, সরকার কর্তৃক নির্ধারিত প্রশিক্ষণ সফলতার সংগে সমাপ্ত ও বিভাগীয় পরীক্ষায় পাশ না করিয়া থাকেন এবং তাহার আচরণ ও কাজকর্ম সন্তোষজনক বলিয়া প্রতীয়মান না হইয়া থাকে।

৯। ক্ষেত্রতা।—চাকুরীতে প্রবেশের পর্যায়ে সার্ভিসের সদস্যদের জ্যেষ্ঠতা, সার্ভিসে নিয়োগের জন্য কমিশনের সুপারিশপত্রে স্থিরকৃত মেধার ক্রমানুসারে নির্ধারিত হইবে।

১০। সাধারণ বিধি।—যে সকল বিষয়ে এই বিধিমালায় স্পষ্টরূপে কোন বিধান করা হয় নাই সেই সকল বিষয়ে সার্ভিসের সদস্যগণ সে বিধিমালা দ্বারা পরিচালিত হইবেন বাহা সরকার কর্তৃক প্রণীত হইয়াছে বা অতঃপর প্রণীত হইতে পারে এবং তাহাদের প্রতি প্রযোজ্য হইয়াছে বা হইতে পারে।

রাষ্ট্রপতির আদেশক্রমে

ফয়েজউদ্দিন আহমেদ

সচিব।

তফসিল

(বিধি ৪ দৃষ্টব্য)

ক্রমিক নং	পদের শ্রেণী	পদের সংখ্যা (সাময়িক)
১	উপ-মহা হিসাব নিরীক্ষক ও নিয়ন্ত্রক (উদ্ভূতন)/সাময়িক মহা হিসাব রক্ষক/সদস্য (অর্থ), রেলওয়ে বোর্ড।	৩
২	উপ-মহা হিসাব নিরীক্ষক ও নিয়ন্ত্রক/মহা হিসাব রক্ষক/ মহা পরিচালক/সাময়িক বাহিনী নিয়ন্ত্রক/বিমান বাহিনী হিসাব নিয়ন্ত্রক/অর্থ উপদেষ্টা ও মূখ্য হিসাব রক্ষণ অফিসার, রেলপথ।	১০
৩	উপ-অর্থ উপদেষ্টা (রেলপথ)/উপ-মূখ্য হিসাব রক্ষণ অফিসার।	২
৪	নৌ-বাহিনী হিসাব নিয়ন্ত্রক/সমরাস্ত্র কারখানা হিসাব নিয়ন্ত্রক/অতিরিক্ত উপ-মহা হিসাব নিরীক্ষক ও নিয়ন্ত্রক/অতিরিক্ত মহা হিসাব রক্ষক/উপ মূখ্য হিসাব রক্ষণ অফিসার (টিএ), রেলপথ/সাময়িক উপ-মহা হিসাব রক্ষক।	১৬
৫	সহকারী মহা নিরীক্ষক ও নিয়ন্ত্রক/সহকারী সাময়িক মহা হিসাব রক্ষক/উপ-মহা হিসাব রক্ষক/উপ-মহা পরিচালক/ সাময়িক হিসাব উপ-নিয়ন্ত্রক/বিমান বাহিনী উপ-হিসাব নিয়ন্ত্রক/নৌ-বাহিনী উপ-হিসাব নিয়ন্ত্রক/উদ্ভূতন অর্থ অফিসার (রেলপথ)/উদ্ভূতন হিসাব রক্ষণ অফিসার (রেলওয়ে), বিভাগীয় হিসাব রক্ষণ অফিসার।	৬২
৬	সহকারী মহা হিসাব রক্ষক/সহকারী সাময়িক হিসাব নিয়ন্ত্রক/বিমান বাহিনী সহকারী হিসাব নিয়ন্ত্রক/ নৌ-বাহিনী সহকারী হিসাব নিয়ন্ত্রক/হিসাব রক্ষণ অফিসার/অতিরিক্ত বিভাগীয় হিসাব রক্ষণ অফিসার/ অর্থ অফিসার/প্রধান কোষাধ্যক্ষ ও বেতনকর্তা (রেলপথ)।	৩২
	ছুটি, প্রশিক্ষণ ও প্রেষণের জন্য ১০% ভাগ সংরক্ষিত পদ	৩

মোট ১৩১